

বিশ্বব্যাপী নারীদের অর্থনৈতিক সুযোগ-সুবিধা বাড়ানো বিষয়ে অনলাইনে আলোচনা

ওয়াশিংটন, ৪ঠা এপ্রিল -- আগামী জুন মাসে মিশরের কায়রোতে অনুষ্ঠিতব্য বিশ্ব নারী সম্মেলন (গ্লোবাল সামিট অব উইমেন) বিশ্বব্যাপী নারীদের জন্য মতামত আদানপ্রদান এবং নতুন নতুন অর্থনৈতিক সুযোগ-সুবিধার সমর্থনে ফলপ্রসূ মৈত্রী গড়ে ওঠার একটি মূল মঞ্চ হিসেবে কাজ করছে।

নারীদের অর্থনৈতিক সুযোগ-সুবিধার গুরুত্ব নিয়ে 'ইউএসইনফো' আয়োজিত এক ওয়েবচ্যাট-এ বিভিন্ন প্রশ্নের জবাব দেয়ার জন্য অনলাইনে উপস্থিত হবেন বিশ্ব নারী সম্মেলনের প্রেসিডেন্ট আইরিন নেটিভিডাড। আগামী ৬ই এপ্রিল ওয়াশিংটন ডি.সি. সময় সকাল ১১টা (গ্রীনিচ মান সময় দুপুর ৩টা এবং বাংলাদেশ সময় রাত ৯টা)-য় এই ওয়েবচ্যাট অনুষ্ঠিত হবে। এক ঘন্টাব্যাপী এই ওয়েবচ্যাট যুক্তরাষ্ট্র পররাষ্ট্র দফতরের 'ব্যুরো অব ইন্টারন্যাশনাল ইনফরমেশন প্রোগ্রামস'-এর 'ডেমোক্রেসি ডায়ালগ'-এর অংশ।

স্বদেশে এবং বিশ্বের অন্যান্য দেশেও নারীদের অর্থনৈতিক সুযোগ বৃদ্ধি করার প্রতি যুক্তরাষ্ট্র প্রতিশ্রুতিবদ্ধ।

'গ্লোবউইমেন ইনকরপরেটেড' নামে ওয়াশিংটনে নিজের পাবলিক অ্যাফেয়ার্স ফার্ম রয়েছে নেটিভিডাড-এর এবং তিনি 'ফিলিপাইন আমেরিকান ফাউন্ডেশন'-এরও নির্বাহী পরিচালক। বিশ্বের নারী নেত্রীদের বার্ষিক আন্তর্জাতিক সম্মেলনের তিনি প্রেসিডেন্ট এবং 'করপরেট উইমেন্স ডিরেক্টর্স ইন্টারন্যাশনাল'-এর তিনি সহসভাপতি। এই প্রতিষ্ঠানটি বিশ্বের বড় বড় ব্যবসা প্রতিষ্ঠানে নারীদের অংশ গ্রহণে উৎসাহিত করে থাকে।

আইরিন নেটিভিডাড সম্পর্কে আরো তথ্য ইন্টারনেটের (<http://www.globewomen.com/SummitPresident.htm>)এই ঠিকানায় পাওয়া যাবে।

=====

জিআর/ ২০০৬

দ্রষ্টব্য: এই নিবন্ধের ইংরেজি ভাষা 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে অগ্রহী হন, তবে 'আমেরিকান সেন্টার' প্রেস সেকশনে (টেলিফোন: ৮৮১৩৪৪০-৪, ফ্যাক্স: ৯৮৮৫৬৮৮; ই-মেইল:

DhakaPA@state.gov এবং Website: dhaka.usembassy.gov এ যোগাযোগ করুন।